

# BITKA NA UHUDU

## غزوة أحد

Kurejšije su bile veoma tužne zbog svojih poginulih ljudi na Bedru, pa su se počeli pripremati za osvetu. Spremili su vojsku od tri hiljade vojnika. Čuvši za to, Muhammed, s.a.v.s., spremi sedam stotina boraca i ulogori se s njima u blizini brda Uhad. Na jedno manje brdo postavio je strijelce, čiji je zadatak bio da štite odstupnicu muslimanima i da zaspu konjicu strijelama, ako pokušaju doći muslimanima iza leđa.

U početku bitke, muslimani su napredovali i mušrici su se povukli.

Vidjevši šta se događa, ovi strijelci sidoše sa brda, iako im je Poslanik, s.a.v.s., naredio da ga ni u kom slučaju ne napuštaju.

Oni su mislili da je borba završena, te su sišli s brda i počeli sakupljati plijen. To iskoristi vođa mušričke konjice, Halid ibn el-Velid, i obide s konjicom oko brda, te udari na muslimane s leđa. Tako se muslimani našoše između dvije vatre, što dovede do toga da poginu sedamdeset sahabija, među kojima je i Hamza bin Abdul-Muttalib, amidža Poslanikov, s.a.v.s. Gubici mušrika u ljudstvu bili su 37 poginulih.